

CATARINA MA VESINA

Catarina ma vesina prèsta me ton bèl tamborn
Que ma vaca se marida la vòli fa dançar un torn
Ironsèla passa bèla diga m'ont as ivernat ?
En Atena sus l'antena perque me b'as demandat

Catarina ma vesina balha de civada al buòu
E de bren a las galinas se vòls que te fagan d'uòus
Ironsèla passa bèla...

Catarina pas malina las castanhas coison tròp
Ta maire es dins la topina e ton paire ten lo bròc
Ironsèla passa bèla...

Catarina ma vesina prèsta me ton violon
A las nòças de las galinas jogarem polit branlon
Ironsèla passa bèla...

Catarina ma vesina vai passejar lo canhòt
Qu'escornifla la salvagina jaupa-jaupa darrièr'n lebròt.
Ironsèla passa bèla...

Catarina pas malina, ara plòu sus lo lençòl.
L'aucelon a la taïna e la piòta ten lo dòl
Ironsèla passa bèla...

Catarina ma vesina prèsta me ton armonicà
Per l'amor d'una cantina cantarem aquela masurcà
Ironsèla passa bèla...

Catarina plan coquina, canta-me una cançon.
Me fas la pèl de galina ambe ta votz de clairon.
Ironsèla passa bèla...